

Centre Occitan del País Castrés

Cercle local de l'I.E.O. Tarn

« Ostal Azalais »

6 carrièra del Consolat 81100 CASTRAS

Tel e Fax : 05-63-72-40-61

Dictada occitana nò 11

Lo 26 de genièr de 2008

De Miquèl Decòr, *L'ase de Josèp*
(IEO edicions, 2004, « *Bib'òc* » nò 11, pp. 65-66)

Narcissa

Un còp èra, dins una ciutat del país menerbés, un endevinaire famós que lo sonavan Tiresiàs e que balhava responsa bona a totes los que l'anavan vialhar.

Corrissiá tanben, per aqueste país de Cocanha, un flume grand tan bèl que li disián Cesse.

(44 mots)

(Aicí s'arrèstan los pichons.)

Sus sas verdas ribas ondejavan las ajoncassas e los pibols, los fraisses e las abarinas que ressonnissián tot lo sant clame dels jorns d'aqueles crits gaujoses que las ninfas tan bèlas fan ausir del bonur.

(80 mots)

(Aicí s'arrèstan los collegials.)

Un jorn de prima calinejaira, lo flume bèl de Cesse qu'èra tombat amorós de la ninfa Liriopeta la sarrèt tan fòrt dins l'un de sos braces que l'engrossèt. D'aquela caponada nasquèt un sèt mesons ; foguèt tanlèu aimat de totes las ninfas que sonèron aquel enfant de garolhas *Narcissa*

(132 mots)

(Aicí s'arrèstan los liceans.)

Es aquí que, [coma se fasiá de costuma dins aquel país menerbés,] anguèron vialhar l'endevinaire Tiresiàs per saupre l'endevenir d'aquel enfant manhaguet.

— Endevinaire ! volèm saupre s'aquel enfant veirà tant de solelhs e de lunas se levar coma Matusalèm ?

— Òc ! diguèt Tiresiàs ; a una sola condicion : que jamai non se coneguèsse !

Sufisiá ara de véser s'aquela prediccion s'anava justificar un jorn o l'autre !

(201 / 192 mots se quitam los 9 mots entre croquets)